



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77, Հեռ.

N 9/1513

<< 12 >> 01 2022թ.

Յուրա Գևորգյանին
Ք.Երևան Մանթաշյան 1-ին նրբ. 15 տուն

Ուղարկում եմ Ձեր ցանկի հիման վրա ՀՀ Կառավարության կողմից
Հասարակական կազմակերպության բաժնեմեկնում կապակցված վարչական
բողոքարկման վարույթի արդյունքում թիվ B18005182 և B18005183 վարչական
ակտերն անվավերելի, իսկ վարչական բողոքն առանց բավարարման թողնելու մասին
որոշումը:

Առդիր՝ << 4 >> թերթ:

Պետ,
ոստիկանության գնդապետ՝

Ա.Ումրշատյան

Կատ. Ս.Ավետյան
010-30-42-02

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 17.10.2021թ-ին կայացված 8180051182 և 8180051183 որոշումներն անփոփոխ, իսկ վարչական բողոքն առանց բավարարման թողնելու մասին

<< 12 >> 01 2022թ.

ք.Երևան

ՀՀ Ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Յուրա Գևորգյանի (Ծանուցման հասցե՝ ք. Երևան Մանթաշյան փողոց 1-ին նրբ. 15-րդ տուն) (Այսուհետ՝ դիմող) 16.11.2021թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

17.11.2021թ. ժամը 23:20-ի սահմաններում Երևան քաղաքի Ագաթանգեղոսի փողոցում քաղաքացի Յուրա Գևորգյանի «ԲՄՎ» մակնիշի 619 XX 57 հաշվառման համարանիշերով տրանսպորտային միջոցը կանգնեցվել է ՀՀ պարեկային ծառայության Երևան քաղաքի գնդի 1-ին գումարտակի 1-ին վաշտի պարեկ Էդգար Գրիգորյանի կողմից՝ տրանսպորտային միջոցը փոխադրված հաշվառման համարանիշերով և անվտանգության գոտիով չամրակապված վիճակում վարելու համար:

Տրանսպորտային միջոցը փոխադրված հաշվառման համարանիշերով վարելու համար վարորդի նկատմամբ «Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 4-րդ մասի համաձայն՝ կայացվել է թիվ 8180051182 որոշումը՝ վերջինիս զրկելով տրանսպորտային միջոց վարելու իրավունքից մեկ տարի ժամկետով:

Անվտանգության գոտիով չամրակապված վիճակում տրանսպորտային միջոցը վարելու համար <<Ճանապարհային երթևեկության անվտանգության ապահովման մասին>> ՀՀ օրենքի (Այսուհետ՝ ՃԵԱԱՄՕ) 24-րդ հոդվածի 5-րդ մասի <<բ>> կետի պահանջի խախտման համար <<Վարչական իրավախախտումների վերաբերյալ>> ՀՀ օրենսգրքի (Այսուհետ՝ ՎԻՎՕ) 123.3-րդ հոդվածի հատկանիշներով կազմվել է վարչական իրավախախտման վերաբերյալ արձանագրություն և կայացվել վարչական իրավախախտման գործով 17.11.2021թ. թիվ 8180051183 որոշումը:

16.12.2021թ.-ին ՀՀ պարեկային ծառայություն ստացված դիմումով Յուրա Գևորգյանը խնդրել է վերացնել ՀՀ պարեկային ծառայության վարչական իրավախախտման վերաբերյալ գործով 17.11.2021 թվականին կայացված 8180051182 և 8180051183 որոշումները՝ նշելով, որ զանցանք կատարելու վերաբերյալ արձանագրությունները նույն ծառայողի կողմից կազմվել են 17.11.2021 թվականի ժամը 23:55-ին:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության իրավաբանական բաժանմունքում հարուցվել է վարչական բողոքարկման վարույթ:

Դիմողը, ծանուցվել է վարչական լսում իրականացնելու օրվա և ժամի մասին, սակայն չի ներկայացել:

Դիմումի քննարկման արդյունքում ձեռք բերված ապացույցների և փաստական տվյալների համադրմամբ պարզվել է, որ վարչական իրավախախտման գործով 17.11.2021թ. կայացված թիվ 8180051182 և 8180051183 որոշումները ենթակա են կատարման հետևյալ պատճառաբանությամբ և հիմնավորմամբ.

ՀՀ ոստիկանության պարեկային ծառայության Երևան քաղաքի գնդի 1-ին գումարտակի 1-ին վաշտի պարեկ Էդգար Գրիգորյանի կողմից տրված բացատրության համաձայն 17.11.2021թ. ժամը 23:20-ի սահմաններում Երևան քաղաքի Ագաթանգեղոսի փողոցում անվտանգության գոտիով չամրակապված վիճակում տրանսպորտային միջոցը վարելու ակնհայտ կասկածանքով կանգնեցրել է «ԲՄՎ» մակնիշի 619 XX 57 հաշվառման համարանիշերով տրանսպորտային միջոցը, որի վարորդը հանդիսացել է Յուրա Գևորգյանը, ինչից հետո նույն վայրում 17.11.2021 թվականին ժամը 23:25-ին կազմել է վարչական իրավախախտման վերաբերյալ արձանագրություն և կայացված թիվ 8180051182 որոշմամբ Յուրա Գևորգյանը տուգանվել է 10.000 ՀՀ դրամի չափով: Էդգար Գրիգորյանը բացատրությամբ հայտնել է նաև, որ Յուրա Գևորգյանը «ԲՄՎ» մակնիշի տրանսպորտային միջոցը վարել է փոխադրված 619 XX 57 հաշվառման համարանիշերով, ինչի կատարման 17.11.2021 թվականին ժամը 23:55-ին Երևան քաղաքի Երանոսի փողոցում հասնում գտնվել ՀՀ ոստիկանության պարեկային ծառայության հատուկ պահպանիչ տարանցում կազմել է վարչական իրավախախտման վերաբերյալ արձանագրություն և թիվ 8180051183 որոշմամբ Յուրա Գևորգյանը գրվել է տրանսպորտային միջոց վարելու իրավունքից մեկ տարի ժամկետով:

Միաժամանակ, Էդգար Գրիգորյանը բացատրությամբ հայտնել է, որ Յուրա Գևորգյանի կողմից անվտանգության գոտիով չամրակապված վիճակում տրանսպորտային միջոցը վարելու վերաբերյալ արձանագրությունում շփոթմամբ է նշել, որ այն կազմվել է 23:55-ին, լուսանկարել է տրանսպորտային միջոցը, ինչպես նաև Յուրա Գևորգյանը ստորագրության միջոցով ծանոթացել է իր կողմից կազմված վարչական իրավախախտման վերաբերյալ երկու արձանագրությանը ու չի ներկայացրել որևէ առարկություն:

Նույնաբովանդակ բացատրություն է տվել նաև ՀՀ պարեկային ծառայության Երևան քաղաքի գնդի 1-ին գումարտակի 1-ին վաշտի պարեկ Էդգար Գրիգորյանի հետ 17.11.2021 թվականին ծառայություն իրականացրած, նույն վաշտի կրտսեր պարեկ Արման Գաբրիելյանը:

«Ճանապարհային երթևեկության անվտանգության ապահովման մասին» ՀՀ օրենքի 18-րդ հոդվածի 1-ին մասի «ը» կետի համաձայն՝ տրանսպորտային միջոցի երթևեկությունն արգելվում է, եթե վարորդը տրանսպորտային միջոցը վարում է կեղծ, փոխված կամ ստանդարտին չհամապատասխանող հաշվառման համարանիշներով

(ժամանակավոր համարանիշների դեպքում՝ նաև ժամկետանց համարանիշներով) կամ առանց հաշվառման համարանիշների:

«Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 4-րդ մասի համաձայն՝ առանց հաշվառման համարանիշի, կեղծված կամ փոխարինված հաշվառման համարանիշով տրանսպորտային միջոցներ վարելը՝ առաջացնում է տրանսպորտային միջոցներ վարելու իրավունքից զրկում՝ մեկ տարի ժամկետով, իսկ տրանսպորտային միջոցներ վարելու իրավունք չունեցող անձի նկատմամբ՝ տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Ուսումնասիրելով գործում առկա ապացույցները, մասնավորապես՝ վարչական իրավախախտման վերաբերյալ արձանագրությունը և պարեկային ծառայողի կողմից ներկայացված լուսանկարները, դիմողի ներկայացրած փաստաթղթերը՝ պարզ է դառնում, որ «ԲՄՎ» մականիշի տրանսպորտային միջոցի վրա պետք է տեղադրված լիներ 61 FP 006 համարանիշերը, այնինչ տրանսպորտային միջոցն օգտագործվել է 619 XX 57 հաշվառման համարանիշերով:

ՃԵԱԱՄՕ 24-րդ հոդվածի 5-րդ մասի <<բ>> կետի համաձայն՝ մեխանիկական տրանսպորտային միջոցի վարորդը պարտավոր է կառուցվածքով նախատեսված անվտանգության գոտիներով կահավորված տրանսպորտային միջոցներով երթևեկելիս լինել ամրակապված և չփոխադրել անվտանգության գոտիներով չամրակապված ուղևորներին:

4040 123.3-րդ հոդվածի համաձայն՝ տրանսպորտային միջոցների անվտանգության գոտիները չամրակապված կամ ամրակապող չլինելով՝ վրանում կամ առանց ամրակապող տրանսպորտային միջոցների վարելը, ինչպես նաև անվտանգության գոտիները չամրակապված կամ ամրակապող չլինելով կամ առանց ամրակապող ուղևոր փոխադրելը առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով:

ՃԵԱԱՄՕ 17-րդ հոդվածի 1-ին մասի <<ա>> կետի համաձայն՝ ուստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:


«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով:

Այսպիսով, դիմումատուի արարքում առկա են «Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 4-րդ մասի և 123.3 հոդվածի հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ պարեկային ծառայության վարչական իրավախախտման վերաբերյալ գործով 17.11.2021թ. կայացված թիվ 8180051182 և 8180051183 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Յուրա Գևորգյանին և ՀՀ պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա.Ումրշատյան